

篆

鏤

心

得

敘

闕里漱六孔先生讀書好古品端行方為魯國  
望於書無所不窺其詩古文詞皆足自雄一  
世而尤精心於篆刻上自羲蒼君下逮秦漢有  
單詞隸字即若侵蝕漫滅不可辨識者必  
窮究其本原凡古今符璽圖章無論金玉磁  
石或借摩於貴族或購覓於坊市搜羅不遺  
餘力乃益肆力其中而得其奧旨每慨夫篆  
學之不明皆由篆刻家本無攷據漫試操刀

且因以射利止圖速效而篆畫刀法皆置不講  
無惑乎此道之愈久而愈失也於是奮然自  
為之篆無論古今大小一遵古法而不為委  
曲遷就之文以失字體其用筆則奏刀割然  
自然蒼秀而不取媚於時目每就一方輒欣  
欣自喜或有未愜即匿不示人用意良苦而  
知之者鮮矣間於讀書之暇取古人之說刪  
繁節冗參以己見條分縷晰彙為一帙名之  
曰篆鏤心得蓋以心所得嘉惠來學也或

曰篆刺一藝耳先生之為此寧不憚煩乎余  
曰不然古者名公巨卿學業足以貫古今功  
名足召炳宇宙而未嘗無一事之精獨擅千  
古者如雄之字邕之琴簡之畫璞之卜汝南  
之相義興之醫康節之數益文人之癖往々  
有注意一事遂至超神入化而曾何損於生  
平之大業先生得時而駕以此心力宰制天  
下黼黻休明自必有邁越前古者又何妨今  
日之游藝哉庚午秋九月黃菊數本掩映

庭除持螯放飲劇譚金石先生曰盍為我  
序之余駭然曰余不識字又烏能窺先生之堂  
奧而叙先生之文哉乃就獲聞於先生之緒  
論而為書其語於簡端華亭徐穎梁訪師  
氏書於綠蔭軒

遠志

序

大德不官大道不器士君子生明備之沒內  
而聖切外而王道下自方名象致以及一藝  
一技之微孰非所宜垂綜而條貫者自夫淺  
儒倡學飾為大言以欺世曰吾務其遠者大者  
彼蔑之者殊不屑為及叩其虛理茫無一得此  
宣聖所譏飽食終日無所用心舉世嚮之太平  
類然闕里孔激石先生述聖之佳公子也余  
自癸丑仲冬來遊東魯即習聞其居家

孝友立品端方重氣概覈名寔且樂與賢  
士大夫交每遇花朝月夕課韻分題恂恂如也  
伊余以筆硯依人未得一親顏色為恨辛酉  
秋杪值仙源之缺上公遴委署理斯任招余  
為之從事下車伊始即已經舉目張數月以  
更見婦子恬熙人民樂業此其經濟宏猷誠  
非太息人女覺昔年所聞猶未盡罄其底蘊  
也公餘之暇偶尔拈題大概苦心研索不肯一  
語寄人籬下更出所蒙接心得一編示余曰此

二十年心血所寄未識可分諸同好否余細加  
尋繹其上自羲皇下逮秦漢篆隸淵原莫  
不旁搜遠考更於篆隸之間奏刀之際講求  
盡善真可謂一片苦心非同爲作者即以之信  
而傳汝誰曰不然第余獨怪漱六生富貴之家  
裘馬輕肥翩翩得意即或束身載籍涉  
獵詩書亦足豪矣乃內而聖功外而王道下  
及方名象數一藝一技莫不殫心竭慮博覽  
而該然汝心平賦質獨殊而積年之工苦



倍深也彼世之淺儒佯學又烏知其第一哉  
惜余淅水腐儒萍踪無定不獲於風雨晦  
明之間久其晨夕而或歸老西湖與故鄉一  
二知己劇談時政欣聞激六出其任孺存濟之  
才以黼黻休明羽儀  
盛哉其快慰又當何如者則以此一編為少賤  
之末技也可且之為序

壬戌正陽月上浣錢唐屠炯拜撰

序

蓋聞乾坤判而書契興誓誥繁而符璽作結繩而治不可以馭多士多方行遠之文端有藉乎六書六義金章玉印始自中天鳥跡蟲書肇於太古降而近代騷壇詞客藝苑書家恒有取乎摩古之章倣彼前規垂露懸針籀文小篆亦各寶其鐫名之製而其好醜有別寔緣雕斲是司從此濫觴遂至蕩檢人

人有私章之設家、有印譜之藏運用  
迷於筆先寔違典則震動惑於手下適  
類輕浮眩其詭以揚其波部分偏旁俱  
壞矜其奇而示夫異性情血脈皆非貽  
笑大方見譏士類我伯氏漱六主人心靈  
手敏行方智圓讀書談道之餘雅歌投  
壺而外精心剗剗酷嗜印章世胄珍藏  
何辭借璧市中奇貨不惜兼金唐宋以  
前周秦而下朱衣携銅符共殉莫保塵

埋黃屋與玉璽同更寧無兵燹苔莓未  
侵之字把玩而定媼妍風雨半剝之文  
摩娑而辨亥豕倉頡難藏其奧李斯莫  
遁其形探索既深精微自得余曰何其  
篤志兄曰聊以自怡但舉世悠悠罔識金  
針奧旨千秋夢誰傳鍊筆神奇確有  
準繩堪垂模範葦數年閱歷之精力著  
之篇章揭古人研究之心思彙為卷帙  
叅以己意悉稟成模金玉牙磁之必詳

篆籀科斗之各異大匠之規矩如此臨  
時之變化在人嗟乎一心而窮宇宙之奇  
幾乎雨天泣鬼繫語而擅古今之絕何殊  
宋艷班香揚雄奇字之傳未見其工也  
庖丁解牛之技已進於道乎幸無秘  
不示人惟願公諸同好不揣謏陋漫識  
簡端

壬戌夏五弟繼沂拜撰

自序

余自束髮見秦漢印譜及嶧山秦岱諸碑心  
竊喜之樂而忘疲而不自知其為雕虫末技也雖  
然余竊念之人之心不可一日無寄身不可一日無  
事苟或指笏垂紳上佐治理或奉使皇華馳驅  
王事或守一郡專一城簿書期會旁午於前即不  
然或商於路而徵貴賤或買於市而權奇贏或  
農於野而勤腓脰更何暇及此不急之務以耗其心

志乃吾人幸生明脩佩服詩書其可悠々終日而  
徒靈此飲和食德之歲月哉子曰少也賤故多能  
又曰為之猶賢乎已余之事此亦欲使心有所寄  
身有所事焉耳誦讀之餘輒自雕鏤二十年来  
頗有得應手之趣遂以臆見參酌古法分題  
便覽滙為一帙不敢自信亦不敢自秘聊以供同  
癖者採取云上章涪灘初月既望昌平鄉孔  
繼浩自識於千峰萬壑山莊

篆鏤心得題辭

聯翩賢俊昌平後多藝多材數我甥讀書萬卷  
若有神餘習猶能出人右作書昔以鐵為華勒  
之簡冊力完厚龜龍魚鳥上古文漆經字畫同  
蝌蚪雲書穗文象百變後世知一失八九小篆  
大篆異秦漢玉筋鐵線體不苟傳之既久遂紕  
繆魯魚亥豕紛相糾好奇既苦自作古求工強  
合雜稂莠沿習成風不自知大方見之每掩口  
卓哉我甥邁時俗力追往古微茫剖究心廿載



得聞與著書辯論垂永久或時錫鏤示楷模湯  
盤周鼎勢蚴蟉俗工咋舌駭相顧賞鑒者流等  
瓊玖我生僻處東海隅孤陋目未窺二酉叨在  
葭莩屢過從一編示教未予醜句竒字重意縷  
晰三復讀之不釋手六書千載得摠持大含細  
入隨所扣問竒久已無子雲說文世共推祭酒  
君才固自出天縱此學師承得自某我聞三命  
有鼎銘君家世欽所守十字延陵墓上碑照  
耀亘古同岡培君學源流端在茲寧與常人同

授受為君起舞進一觴金石刻畫能不朽他日  
明堂玉檢文鬼神呵護千秋壽

南沙弟蔣榆拜稿

目錄

篆總論  
章法論  
落墨法  
執刀法  
奏刀法  
識白文  
識朱文  
陰鐵綫文

陽鐵綫文

爛銅章文

急就章文

滿白滿朱二種文

陰陽邊欄論

篆書棟要

戒好奇第一

戒欲速第二

戒俗態第三

戒自欺第四

戒杜撰第五

戒雜配第六

戒放心第七

戒懶惰第八

戒志滿第九

戒寡聞第十

晶章玉章論

銅章金章論

石章論

牙章論

市石解

脩製法

鈕名總識

收藏瑣言

盛印色器皿

用印法

圖書匣論

鑄印床論

製刀之法

治石質鬆脆法

選硃砂法

漂硃二方

製選艾絨法

製油三方

合印色二方

製竹茹法

治敗印色法

硃磬珊瑚欲速散

鑄銅章法

附錄

唐張懷瓘十體書斷選四

宋張表臣論蟲鳥書

宋歐陽修論仙篆

宋蘇軾天篆記

元吾衍三十五舉



明王應電書法指要

明王應電布字原病

明朱謀瑋論古文奇字

明豐坊論篆書

明趙宦光論四體書選一

篆鏤心得

篆總論

粵自伏羲作而八卦形其畫。軒轅興而靈龜  
炫其彩。倉頡覽二象之文。觀鳥獸之跡。別創  
文字。以代結繩。而有六義。一曰指事。上下是  
也。因在上為上。在下為下。二曰象形。日月是  
也。日滿月虧。以效其形。三曰形聲。江河是也。

闕里孔繼浩愚齋著  
濟南朱文震青雷較

以類為形配之以聲四曰會意武信是也止  
戈為武人言為信五曰轉注老考是也乃以  
老為壽考六曰假借令長是也數言同字其  
聲雖異文意則一自黃帝至於三代其文不  
改及宣王太史史籀著大篆十五篇與古文  
或同或異時人謂之籀書越後秦嬴氏火焚  
先典而古文殆絕漢魯恭王壞宣聖故壁  
得尚書春秋論語孝經當時已無識者謂之  
科斗文費氏注云書有二十法科斗是其一

法○以其小尾伏頭○故謂之科斗也○其篆之名  
不一○其作篆亦非一代○太昊庖犧氏獲景龍  
之瑞○始作龍書○炎帝神農氏因上黨羊頭山  
生嘉禾八穗○作八穗書○黃帝因卿雲見而作  
雲書○少昊金天氏以鳥紀官○作鸞鳳書○帝嚳  
高辛氏以人紀事○象仙人之形而作仙人書○  
帝堯陶唐氏因軒轅靈龜負圖○作龜書○夏后  
氏象鍾鼎形為篆○作鐘鼎書○殷湯時仙人務  
光作倒薤書○後因之而作倒薤篆○周文王史

佚。因。騶。虞。見。作。虎。書。周。武。王。時。丹。鳥。入。室。故。  
作。鳥。書。周。因。素。魚。躍。舟。而。作。魚。書。或。云。漢。武。  
帝。游。昆。明。池。學。士。陳。遵。所。作。又。有。複。篆。因。大。  
篆。而。重。複。之。亦。史。籀。作。父。書。伯。氏。所。職。文。記。  
笏。武。記。父。因。以。為。創。小。篆。周。時。所。作。漢。武。得。  
汾。陰。鼎。傳。即。其。文。仙。人。書。古。之。所。有。李。斯。善。  
辨。古。文。字。改。為。篆。形。麒。麟。書。魯。哀。公。十。三。年。  
西。狩。獲。麟。弟。子。申。為。素。王。紀。瑞。所。製。蟲。書。  
魯。秋。胡。妻。浣。蠶。所。作。亦。曰。雕。蟲。篆。傳。信。鳥。跡。

書六國時書節為信象鳥之形而作細篆李  
斯摹始皇碑序皆用此體亦曰繆篆刻符及  
鳥頭雲脚李斯趙高竝善之用以題印璽金  
錯書古之錢名周之泉府漢之銖兩刀布悉  
用其文尚方大篆程邈所述後人飾之以為  
法鶴頭詔板所用又名鵠頭篆偃波書即板  
書狀如連文蚊脚書尚方詔板用之其字體  
側纖垂下有似蚊脚因而為名垂露篆漢章  
時曹喜所作懸針篆亦曹喜所作因似針鋒

故名之。蛇書。魯人唐終夢蛇繞身寐而作此。迴鸞篆。史佚之所作。璆瑤篆。起於後漢劉德昇。柳葉篆。衛瓘之所創。剪刀篆。韋誕之所作。亦名金錯書。載在方用。薈於卷首。以充攷核焉。

### 章法

鐫篆之難。首重配合。配合流利。勿論石之闊狹。字之疎密。自左宜右。有無往不善。其道大率無他。貴於凝神靜氣。預想字形。譬諸龜蠃。

之繁。十卜之減。正類黨秦。斜如胆夕。林竝為  
并。棗炎為重。田字難於長。龕字難於短。口不  
可大。體不能小。總令偃仰有致。顧盼有情。橫  
則如長舟之截小渚。直則如春筍之抽寒谷。  
字形在目。筆致在手。章法在心。小心布置。大  
膽落筆。是以唐李陽冰上李大夫論古篆書  
曰。陽冰志在古篆。殆三十年。見前人遺跡。美  
則美矣。惜其未有點畫。但偏旁模刻而已。緬  
想聖達立卦造書之意。乃復仰觀俯察六合。



之際焉。於天地山川。得方圓流峙之形。於日月星辰。得經緯昭回之度。於雲霞草木。得霏布滋蔓之容。於衣冠文物。得揖讓周旋之體。於鬚眉口鼻。得喜怒慘舒之分。於蟲魚禽獸。得屈伸飛動之理。於骨角齒牙。得擺拉咀嚼之勢。隨手萬變。任心所成。可謂通三才之品彙。備萬物之情狀者矣。常痛孔壁遺文。汲冢舊簡。年代浸遠。謬誤滋多。蔡中郎以豐同豐。李丞相將束為宋魯魚一惑。涇渭同流。學者

靡所遷復。每一念至。未嘗不廢食雪泣。攬筆而長歎焉。由是觀之。古人用心。以至於此。況今人不逮古人。反欲任意杜撰。長者妄使其短。踈者偏令其密。以悅人目。以趨世好。可乎。凡欲篆一字。屈一畫。必為說文。汗簡等書所載。古人創於前。今人法於後。寧神細揀。不厭閱書之多。豈同作詩文。而有獺祭之譏。倘古史未載。何妨閣筆。動曰自我作古。始而欺人。繼而自欺。一遇識者。法眼醜態畢露。學者可

不慎歟

落墨

欲奏刀必先落墨。預將所篆何文。所法何體。平心靜氣。懸空着想。使胸有成竹。方可下筆。先於紙上配合。配合停勻。再加詳察。務令古今不相紊繁。簡各得宜。書之數過。則字之精神。篆之家數。了了目前。手下然後書之石上。稍有不到。臨時再以刀改政之。自然無不脛合。即急就章法。亦必於純熟之後。方能無須。

落墨矣。

執刀

古人稱鐫篆為鐵筆。則與用筆畧同。可知。而  
執刀之法。似不可廢。蓋以大指第二指及中  
指。操刀。次以無名指。助其不逮。去鋒。不過一  
寸許。去石遠。則刀浮而力薄。去石近。則鋒疾  
而勢重。掌亦貴虛。虛則運用便捷。指亦喜寔。  
寔則筋力均平。大要執之。須緊。運之。須活。執  
在乎指。指不能運。運在乎腕。腕不主執。執雖

期於穩重。運實在於輕健。熟而久之。又有神明變化。以補言之不及矣。

### 奏刀

刀貴於鈍。不貴於利。用貴乎古。不貴乎巧。其古樸處。又在運腕。腕不懸。則鋒利而露。腕能懸。則鋒鈍而藏。舞刀法。有騰躍飛隼之象。埋刀法。有隱約潛龍之致。更有直入法。如文壽承。李耕隱。顧山臣。程穆倩諸君。能收於駐刀之時。能轉於曲折之處。可謂得此法之三昧。

矣○又有切玉法○如何雪漁○陶石公○顧云美薛  
穆生諸君○能用碎刀切去○板中蘊活○古而自  
奇○瘦偏見肉○肥却露骨○可稱中此法之肯綮  
矣○至於邪入單刀法○如沈石民○黃子環○梁大  
年○陳師黃○諸君間或為之○亦須直下○不過密  
中求疎○散板中求靈活也○諸公各有所長○亦  
有所短○總於此道○均得妙境○隨人之性情相  
近○擇而師之○法乃規矩○貫以精神○氣和平則  
刀舒而麗○氣麤鬱則刀險而躁○氣有輕重而

刀有變幻○傳神之妙○在學者心會焉○

識白文

其字虛而地實○今之所謂陰文是也○總要令  
其活○不可使其板○易於板而難於活○利用切  
刀兼埋刀之法○使直下而藏其鋒○太緩則無  
神○太急則失形○至於頓挫遲速○如日月之轉  
是○進退淺深○若風雨之應時○一點一畫○必期  
尚○追秦漢○印於紙上○有蒼松古栢之象○圓滿  
活潑之致○令觀者不敢目為時下物○若任意

隨刀○是取巧而轉拙○求妍而反媿者矣○得心  
應手○又有一段領畧意外之想○非言所可罄  
也○

識朱文

字有多寡○石有潤狹○字形有疏密○石質有強  
弱○總欲去盡實地○而獨存邊與字也○失於嫩  
者○多求其老者○難○石強則用正刀○石弱則用  
遲刀○是雖定論○若夫強者遲之○弱者正之○輕  
於所不得不輕○重於所不得不重○疾一分失○



之太過。徐一分失之不及。妙出於心。鋒應乎手。槍而上之。則作倒竈。而。下之。則作懸針。法不可泥。巧不能與。僅舉其大畧云。

陰鐵綫文

古之所謂細白文也。多用衝刀之法。遲刀法。間或有之。此文一刀衝去。如快馬入陣。屈伸隨人。再無更易。有天然經緯之趣。古樸生動。方不厭其太方。圓不失之太圓。正所謂荆玉分輝。瑤岩璀璨。金花細落。偏地玲瓏。若非老。

手○何能語此○

陽鐵綫文

此朱文中之極細者也○必使細如髮○直如弦○  
外則美女簪花○丰姿可掬○內則忠臣就義○凜  
烈難犯○若歪斜無致○豈非游絲隨風○纖毫失  
均○不啻死蚓眠地○

爛銅章文

是做秦漢銅章而作○銅鐵印符○初鑄自無不  
全○因其歷年久遠○或入土浸蝕○故字跡剥落○

稜角剗缺。後人以石倣之。似易而實難。在當時為無意。在今日則有心。若任手鐫去。非當缺者不缺。即不當缺者而缺。若作意取肖。又難免斧鑿之痕。其法在於熟玩古人舊譜。久而自化矣。

急就章文

軍中急於封拜。行令不容少緩。故即名急就。章如虎符之類。大概正刻者多。其字跡歪斜。隨刀擗之。別具一番生面。學者不考其出處。

不審其用意○任其曲屈○增不為多○減不為少○  
每至模糊莫識顛倒難辨○動輒曰此急就章○  
豈不失之遠矣○殊不知諸章之中○惟此最難○  
能使其歪斜之內○而體段森嚴○愴惶之際○而  
界地分明○如紅花隱於葉底○素月出於雲間○  
快健欲方○恍惚難擬○寧靜熟視○娉婷可觀○不  
至束手相窺○仰面長歎者鮮矣○

滿白滿朱二種

滿白漢章之所罕見○此白文之一變也○然時

而有之。滿朱則後人之變體。其配合字體。因其欲滿。每致強屈。強伸。妄疎。妄密。以求充足。難免造作之譏。其刀法頗易。終蹈細巧。雖工不貴也。

陰陽邊欄論

印章之有邊欄。猶書字之有方罫也。似亦無關輕重。然妍媸所係。最為緊要。白文倣漢銅印者。不宜去邊遠。遠則板而滯。倣晶玉各章。不宜去邊近。近則不相侔。其邊皆欲少缺。不

可令全。務使有敦樸瀟洒之致。方為合體。朱  
文倣漢者。邊細而不連。刻鐘鼎者。邊麤而不  
連。法宋瓦之鐵綫者。邊細而連。法玉筋者。邊  
粗而連。均有一定之式。不可互相紊亂。陰陽  
參錯之理。可合觀而會意焉。

篆書棟要

古爾雅。古孝經。玉篇。汗簡。道德經。石經。周書。  
大傳。古莊子。淮南子。上升記。王維恭。黃庭經。  
亢倉子。山海經。古月令。大風歌。古案經。碧落。

文○墳○書○義○雲○章○岐○陽○石○鼓○文○華○嶽○碑○靈○壇○臺○  
文○繹○山○碑○詛○楚○文○雲○臺○碑○比○干○墓○銘○玄○德○觀○  
碑○滕○王○石○柳○烟○蘿○頌○季○札○墓○文○茅○君○傳○王○摩○  
詰○畫○記○牧○子○文○演○說○文○楊○恒○六○書○統○義○雲○切○  
韻○徐○邈○集○雜○古○文○撫○古○遺○文○李○商○隱○字○畧○證○  
俗○古○文○衛○宏○字○說○賈○氏○說○文○庾○儼○集○郭○知○玄○  
彩○箋○許○氏○說○文○六○書○精○蘊○李○如○真○撫○古○遺○文○  
六○書○隼○五○車○韻○瑞○翟○耆○年○籀○史○廣○金○石○韻○府○  
鐘○鼎○篆○韻○文○衡○山○千○字○文○古○篆○禮○部○韻○李○陽○

冰謙卦石刻。鐘鼎款識。王球嘯堂集古錄。秦  
漢印統。賴古堂印譜。佩文齋五經篆文。胡仁  
趾玄賞童鹿游史印。谷園印譜。裴光遠集綴。  
印藪。李陽冰千字文。崔希裕畧古。李彤集王  
存又切韻。朱育集字。周才字錄。豫讓文復古  
編。

戒好奇第一

凡事不可尚奇。而印篆尤不可奇。奇則未有不傷於理。詭於正者。學者須於此處立定脚。



根○具定法眼○不為魔道旁門所移○方能入聖  
超凡○總要師古○然古人性情不同○趨向各別○  
擇其善者而從之○則樸中自古拙中自奇○神  
而明之○方有真古真奇之妙○否則日就支離○  
莫可醫藥矣○

戒欲速第二

子曰○欲速則不達○凡學者易蹈其轍○不可不  
知○用刀如用筆○執刀於手○勿得輕下○聚住精  
神○如控千鈞勁弩○鄭重為之○方不虛此一刀○

每笑門外俗漢動輒曰何至作如此景設使  
草草完局日可作百餘字非徒代作嫁衣與  
我無涉而筋力一疲印之丰神隨減雖多奚  
為若因應酬自屈寧不作此冷澹生活也

戒俗態第三

此道雖醜技而書卷氣斷不可少一入俗套  
根牢蒂固百藥難療學蒼古者或僅得其皮  
毛工斌媚者或祇傳其形似初視之亦覺炫  
目及至細玩則俗態徹骨一團匠氣其章法

刀法俱無是處。學者於入手時。即當辨其是非。雅俗。分晰宜早。分晰不明。自必受誤不淺。

戒自欺第四

語云。得失寸心知。又曰。勿自欺。而自欺之念。最難擺脫。即如鐫篆一道。或作一字。或成一字。稍有不合。古人。不憚已意。必當磨去。別開生面。虛心推敲。自然日躋高明。苟且塞責。自欺之道也。

戒杜撰第五

字之邊旁。不相稱者。屈伸點畫以避之。太繁者。減除之。太疎者。補續之。亦必竊取古人。或出於何碑。起於何代。乃可揀用。學者方纔入門。便思雜以己意。踰乎規矩。而不流於惡派者。幾希。

• 戒雜配第六

篆籀之有家數。猶人之有同族。物之有比類。人物不可並居。鳥獸難以相聚。初學不辨明字體。率意亂配。往往於小篆中。忽雜一鐘鼎。

或加一鳥跡原非一家自難合拍殊不知同  
出一書同為古文不能一律而不相配者臨  
時尚然揀用况雜配乎

戒放心第七

詩文字畫以及百工技藝放心時俱不可為  
原欲借之以求放心此心一放視尚不見聽  
尚不聞自然手作一事心想一事豈能專一  
即置之莫為可也而鐫篆更要心與手眼俱  
到三者缺一不可

戒懶惰第八

論語首云○學而時習之○祇此一語○已包括無遺○凡事不能熟習○安望其巧○欲留心此道者○當先臨摹各古碑○次要多識篆字○方能揀用○結構甄別不差○鐫石固不可急於求成○亦不可一暴十寒○要在綿綿密密○不使有絲毫間斷處○所謂用一層工夫○自有一層進步也○

戒志滿第九

天下義理無窮○一人知識有限○經云謙受益○

又曰集思廣益。若一涉自滿。則日趨於下。不特圖章為然。

戒寡聞第十

孤陋寡聞。我輩大忌。須要博覽群書。以潤胃襟。廣閱諸譜。以開眼界。再與二三知己。交相切磋。互相辨論。如遇同癖者。即以我所闕聞。就正之。彼是則法。彼非則戒。倘已所未臻之境。為他人指破。迷津豈非快事。常見有護己之短。羞於見人者。更有本無家數。因其管見。

竟自以為是。不屑與人折衷者。及遇識者。叩其所造。亦復空空。試淺言譬之。如學撲跌者。然。須是多會幾箇高手。相於撲跌幾場。方信得過。若閉上門。在自己屋裏。與自己撕撲。即信以為無敵於天下。恐他日出得門時。陡逢勁敵。未免受其撲跌。甘拜下風也。

晶章玉章論

晶玉之質最堅。其性又躁。無處着力。必先用玉泉細砂磨平。後以金剛鑽打出細路。方能



受刀。刀不厭多。鈍即再磨。依法鑄之。與他章同印。自判然不同。世俗竟有以藥塗玉令軟。刻之者。其法雖捷。印出則失晶玉之本來面目矣。試觀玉匠雕刻玲瓏窮工極巧。况鑄字乎。非閱歷者何能曉此。

### 銅章金章論

古之官印私印。皆出於鑄。惟軍中之印。白文方用鑿。由此而推。則刀刻者。逾於鑄者多矣。

### 石章論

攷印章之名。其來尚矣。製式不同。鈕綬有別。總以為傳令示信之用。大都玉及瑪瑙水晶金銀銅磁之類。而石印竟未之聞。迨前明三橋文國博創始。而石印始傳。厥後詞人騷士。由私印而廣為麗句閒章。於是石章自此作焉。誠為補前人之闕。充當世之用。於戲盛哉。然石類頗多。有燈光凍艾葉綠青田魚腦田黃田白烏田昌化蝦青蟹壳象牙白等名。大抵其色貴於潤澤。其質貴於細膩。色可以目。

辨質必以刀試。其作用無窮。宜賞鑒家而貴。且重也。

### 牙章論

鐫刺之法。全用利刃。工於柔媚。細巧而少古樸莊嚴。嗜此者。能法文家父子。則可稱牙章中之巨擘矣。

### 市石解

世多愛凍石。我獨喜市石。非因市石賤而凍石貴也。人愛石者多。愛篆者少。常見搨得佳

石不問出於何代。製自誰手。輒磨去易以己之姓名。將來一人得之。一人磨之。若傳至數十人。則文與石而俱盡。不如市石見棄於人。而篆文或因之以不朽耳。

### 脩製法

脩製之法。隨其各自家數。柔媚而健勁者。宜利鋒。以鏤剔渾淪而蒼古者。宜鈍刀。以開劈。字畫上面。或劍脊。或平刀。須要筋骨連絡。精神完聚。乃臻至妙。若欲圓熟者。或用鹽。或用

布用土用紙用稻草絨用蓮房各種擦法。隨  
時酌而用之。若要銛利陡峻者。於平砥石少  
磨。則鋒稜可見。再加刀脩。至如鐫就之時。恐  
有不勻。特向鏡中一照。則反背為正面。毫髮  
難隱。脩製真切之功。無逾於此。匠心之苦。又  
有獨得難以語人者。

鈕名總識

螭鈕○龜鈕○駝鈕○鳧鈕○虎鈕○兔鈕○壇鈕○瓦鈕○魚  
鈕○錢鈕○亭鈕○鼻鈕○羊鈕○馬鈕○輪鈕○環鈕○辟邪

鈕○覆斗鈕○狻猊鈕○連環鈕等式○唯所擇用○若石款本屬端正○毫無歌側○自不須雕鏤傷雅○有損大方也○

收藏瑣言

一凡印章所重○固在鑄法○必先保護其石○而印文方免剥落○用過時○即用湖綿或木棉擦淨○收貯匣內○自然不致損壞○時常把玩○沐以手澤○如石質本佳○自無庸假借○倘收藏太多○而石質平常者○則於三伏時○浸於真茶油內○

置烈日中曝晒。潤澤自生。光瑩可愛。如欲取出。必用綠豆麪泡。水以軟毛刷子。再蘸豆麪。刷其有字之面。恐存油性。致壞印色。然不可通石俱用水刷。曰。油見豆麪。則光華頓減。前功盡棄。若年久古印。章填滿印色。難於剔淨。則用極濃茶滷泡洗。則易淨矣。

### 盛印色器皿

印色盒。印色碟。總以舊密古磁為上。其次則玉及瑪瑙水晶皆可用。惟玻璃化石之類。禁

用之。蓋因其火氣太重。致傷印色。兼而洩油也。再印色無論用與不用。日每以牙匙番一次。令其上下油性調勻。不致油浮硃沉。自無滯粘之患。且可耐久。然印色脩合不同。其用法亦各有異。如玉筋爛銅等文。宜用重油。陰陽鐵綫等文。宜用輕油。圖章深淺印色乾濕。用得宜自然。兩擅其美矣。

用印法

印章妍媸固出作者之手。而印印亦非易事。



有宜於厚紙墊者。薄則失其形。有宜於薄紙  
墊者。厚則減其神。更有於極平牙板上印之。  
全不用紙墊者。若印畫絹。因其礬氣性燥。不  
能即受印色。必要用細紙四五層。以淨水微  
濕墊之。若印金箋。當先用湖綿蘸細白炭灰。  
輕輕擦之。則不至於花淡矣。總要度其印色  
如何。審其刻法如何。用時輕蘸印色。不偏不  
倚。從容印下。自相相紙端。璀璨奪目。若是粗  
心浮氣。下手便印。輕重過分。偏正任意而定。

印之工拙。吾恐條印者。不獨任其咎也。

圖書匣論

妙篆不致損傷。光華不致減色。大有賴於匣。笥。洋漆匣為第一。如用木及紙為匣。必用廣漆。漆匣裏。蓋取乎漆性潤澤。而石質不致枯乾。

鑄印床論

其床用以押石。不使動搖。便於用力。而作中鋒。如石之極大。而有鈕者。並極小而難於拈。

美者非此不可以銅為之取其穩重次用堅  
緻之木亦可或曰鑄章不須用床手以便  
轉折用床則板滯不活然印之工拙似無關  
於此試看學者習慣何如庶兩說皆能莫執  
其一可也

製刀之法

取并州鐵若干火鍊一次入井中浸十日再  
鍊二次浸二十日再鍊三次浸三十日取出  
間以好鋼製成刀再入爐中燒紅見刀上起

藍綠色。用水薦之。亦有用蝦蟆肪及油薦者。若刻磁章。非鯢魚血薦不可。其式長六寸。中圓而粗。口之潤狹厚薄。稱字之大小。以絲絃纏之。露頭寸許。以平鈍為高。其鋒宜中不宜偏。宜圓不宜削。鯢魚出陝西。其血如靛。領其首以麻鞭之。則血自出。或曰閩中亦有。

治石質鬆脆法

石性鬆脆。不可受刀者。將石埋於穀糠內。用細火熨之。候穀糠盡化為火。如石之經二寸許者。以點綫香一枝為度。太過恐石崩烈出。

火乘熱即浸於茶油內。其質棉軟。可以受刀  
矣。

### 選硃砂法

產砂分道地。出朝鮮者良。有陰有陽。明而紅  
者為陽。闇而紫黑者為陰。砂之大者為塊砂。  
其中多夾鐵夾石。次則劈砂。劈砂中之最明  
者。迺芙蓉片。再次為豆砂。又次為米砂。紅而  
明者皆可取用。一種黎頭尖粒。粒如箭鏃者。  
名箭頭砂。乃川中馬湖上品。又閩中所產者。

為梅花片。其色最鮮。又一種大小形如石榴子。其色紅潤明透。狀似明雄。此真朝鮮所產。價值相等。其用自與他砂懸殊。至於方士燒煉爐底。以及膠水團合成塊。並成器皿者。俱不入選。

漂硃二方

選砂既妙。加以人工。方能適用。凡乳砂置磁鉢內。如初用手左旋。則左旋到底。用手右旋。則右旋到底。不但易細。而且色鮮。切忌不可。

忽左忽右○渾施○背法○亂為○必至○研去○無聲○  
栩欲飛○方冲燒酒○少許○清水一杯○仍前按法○  
細研○再加真廣膠水○少許○清水○令滿鉢口○蓋  
砂○無膠水○不能浮起○黃標故耳○研至十匝○其  
砂水自渾○傾入淨碗內○俟紅者沉底○淡黃者  
浮於面上○乃硃砂之標也○須另取一碗○將標  
水盛貯○防正砂混起○凡砂一兩○其脚不過五  
六分○佳者二三○分而已○如鉢內所剩者多○是  
乳之工粗○再加細研○亦入水膠○少許○清水○過

半○逼貯一處○研至無多○其黑紫而闇者乃脚  
也○棄之無用○復將漂過正砂○用滾水冲和二  
次○以退膠性○俟定清逼去水○用細紗蒙蓋晒  
乾○再研至無聲乃止○大抵工夫深細○印紙方  
能壘起○粗則印紙花淡無光矣○

又方

將乳淨細砂○入清膠水攪勻○貯一竹筒內○掛  
於壁上○毋動○候其中自為澁定○將竹上截鑽  
一眼○則砂上之煞盡隨水出○俟極乾○劈碎竹



筒以刀切取中段。純紅者用之。斯亦漂砂之一捷徑也。

製選艾絨法

艾以蘄州者為貴。不獨多絨。且性倍溫暖。取葉揀淨筋梗。捶撲揉搓。不可性急。必至黑星落盡。柔軟如綿為度。方可用。清水沸數十次。令水清無黃綠色。乃止。晒乾收貯。若已精而愈求其精。再用紅花膏子三錢入揀淨揉好艾絨一兩。浸拌二三次。晒乾。以助色鮮。如無

紅花膏。以金華胭脂代之。臨用再加少揉。

製油三方

真麻油一觔。用鍋熬至無烟。投以草麻仁四兩。乾姜五錢。川椒一錢。胡椒三十粒。土子五錢。附子一錢。猪牙皂二箇。全斑毛七箇。金毛狗脊五分。血竭一錢。麻黃一錢。同入油內熬至滴水成珠為度。用絹蒙口。漉去藥渣。俟稍清涼。再投以枯礬末一錢。砒霜末一錢。白蠟一錢。黃蠟一錢。攪勻封貯。色如琥珀。於三伏

日多晒為佳。

又方

真麻油一斤。入白芨三錢。乾姜五錢。草麻仁四兩。血竭二錢。花椒三錢。如前熬至滴水成珠。再加黃蠟白蠟枯礬各一錢。

又方

揀真茶油四斤。用威靈仙二錢。白芨三錢。明礬三錢。蜜陀僧三錢。川椒三錢。白蠟二錢。人言三錢。去足翅斑毛七箇。共為粗末。用絹袋

盛之。投油內。儘晒。以油白為度。每淨硃砂一兩。製艾三分。止用三錢。

合印色二方

製砂一兩。用製油三錢。入鉢內。照前乳法。至油不浮。砂不沉。再投以製艾。戔五分。研至三百六十匝。為度。亦有每兩內加乳金厘許。漂淨珊瑚末二分。色更鮮厚。不宜過多。恐粘膩印文。不用亦可。

又方

製硃砂一兩。製油六錢二分五厘。如前乳法。再投製艾絨三分七厘五毫。加白蠟三分二厘。黃蠟三分二厘。白礬二分二厘五毫。共為細末。同搗勻為度。

### 製竹茹法

取半老不枯之竹。去外青皮。用磁鋒細刮如髮。愈長愈細為佳。入清水煎數十沸。取出乘濕揀去粗短者。再煮再揀。以如式為度。晒乾以代艾絨。越久自知其妙。

治敗印色法

取市店中煎麪餅熟油一兩○加黃豆十粒熬  
滾○去豆渣取油○加製砂入舊印色內○搗散和  
勻○不得過用大油○鮮明自然如新○

硃磬珊瑚欲速散

此法因印色各家脩合不同○有油重而難乾  
者○印於扇頭磬絹之上○易至捺抹模糊而失  
篆體○刀法精神○用製過砂一錢○再加珊瑚白  
磬各八分○共研極細飛末○以羊毛軟筆蘸撒

其上庶免拂拭。雖蹈欲速之弊，亦足徵作者之苦心矣。

### 鑄銅章法

先選鎔淨銅若干，再以火鎔化，乘熱傾入冷水，候冷定，取起再鎔。如此三四次，聽用將淨黃蠟一塊，用利刀雕出印形，并鈕及篆文。外用極細黃泥包固，上留一大孔，印旁留一小孔，候泥乾於火上炙之，蠟隨火去而中空。將前銅鎔化，從大孔傾入，冷定，撲碎其兩孔邊。

俱有相連之銅。以細剗去。而印成矣。

附錄

唐張懷瓘十體書斷選四

古文者黃帝史倉頡所造也。仰觀奎星員曲之勢，俯察龜文鳥跡之象，博采衆美，合而為字。是曰古文。孝經援神契云：奎主文章。倉頡倣象是也。及秦用小篆，古文絕矣。漢文帝時伏勝獻古文尚書，又有魏文侯樂人竇公年二百八十歲，獻古文樂書一篇，以今文考之。



乃周官之大司樂章也及武帝時魯恭王得孝經尚書等經宣帝時河內女子得古文二篇晉咸寧五年汲郡人得冊書千餘萬言或寫春秋經傳易經論語夏書周書瑣語大曆梁丘藏穆天子傳及魏史於是古文脩矣甄豐刪定舊文制為六書一曰古文即此也周幽王時又有省古文者今汲冢書中多有是也滕公冢內得石銘人無識者惟叔孫通云此古文科斗書也科斗者即上古之別名也

倉頡即古文之祖也

大篆者周宣王太史史籀所作也甄豐定六書三曰篆書八體書法一曰大篆又漢書藝文志云史籀十五篇並此也以史官製之用以教授謂之史書凡九千字秦趙高善篆教始皇少子胡亥書又漢文帝王遵嚴延年並工史書是也呂氏春秋云倉頡造大篆非也史籀即大篆之祖也籀文者周太史史籀所作也與古文大篆小

異後人以名稱書謂之籀文甄豐六書二曰  
奇字是也其跡有石鼓文存焉蓋諷宣王畋  
獵之所作今在陳倉李斯小篆兼采其意史  
籀即籀文之祖也

小篆者秦始皇丞相李斯所作也增損大篆  
異同籀文謂之小篆亦曰秦篆畫如鐵石字  
若飛動作楷隸之祖為不易之法其銘題鍾  
鼎及作符印至今用焉斯雖草創遂造其極  
矣李斯即小篆之祖也

宋張表臣論蟲鳥書

晉黃門郎衛巨山兼善蟲書或云蟲書即蟲鳥之書予疑鳥書自謂雀鳥之祥專作禽鳥之象當別有蟲書如孫臏斬龐涓於古木之下作蟲書以揭之今人傳寫蟲蛾之狀殆其遺法耶

宋歐陽脩論仙篆

福州永泰縣無名篆在觀音院後山上俗多傳以為仙篆太常博士黃孝立閩人也嘗為

余言其山無名上多頑石無復鐫刻之蹟如人以手指畫泥而成文文隨圓石之形環布之如車輪循環莫知首尾又言孝立嘗至廣州見南番人日夕焚香拜金書字號為天篆者正類此然不能曉也

· 宋蘇軾天篆記

江淮間俗尚鬼歲正月必衣服箕帚為子姑神或能數數畫字黃州郭氏神最異余去歲作何氏錄以記之今年黃人汪若谷家神尤

竒以箸為口置筆口中與人問答如響曰吾  
天人也名全字德通姓李氏以若谷再世為  
人吾是以降焉著篆字筆勢竒妙而字不可  
識曰此天篆也與予篆三十字云是天蓬咒  
使以隸字釋之不可

元吾衍三十五舉

一舉曰科斗為字之祖象蝦蟇子形也今人  
不知乃巧畫形狀失本意矣上古無筆墨以  
竹挺點漆書竹上竹硬漆膩畫不能行故頭

粗尾細似其形耳古謂筆為肅倉頡書從手持丰竹加畫為聿

二舉曰今之文章即古之直言今之篆書即古人平常字歷代更變遂見其異耳下古初有筆不過竹上束毛便為寫畫故篆字肥瘦均一轉折無稜角也後人以真草行或瘦或肥以為美茂若筆無心不可成體今人以此筆作篆難於古人尤多若初學未能用時略於燈上燒過庶幾便手

三舉曰學篆字必須博古能識古器則其款識中古字神氣敦樸可以助人又可知古字象形指事會意等未變之筆皆有妙處於說文始有味矣前賢篆之氣象即此事未嘗用力故也若看摸文終是不及

四舉曰凡習篆說文為根本能通說文則寫不差又當與通釋兼看

五舉曰字有古今不同若檢說文頗覺費力當先熟於復古編大概得矣



六舉曰篆書多有字中包一二畫如日字目字之類若初一字內畫不與兩頭相黏後皆如之則為首尾一法若或接或否各自相異為不守法度不可如此又圓點又圓圈小篆無此法古文有之口字作三角形不可引用學者慎勿難寫處妄意增入

七舉曰篆法匾者最好謂之螭音匾石鼓文是也徐鉉自謂吾晚年始得螭匾法凡小篆喜瘦而長螭匾非老筆不能到

八舉曰小篆一也而各有筆法李斯方圓廓  
落陽冰圓活姿媚徐鉉如隸無垂脚字下如  
釵股稍大錯如其兄但字下如玉箸微小耳  
崔子玉多用隸法似乎不精然甚有漢意陽  
冰篆多非古法效子玉也當知之

九舉曰寫成篇章文字只用小篆二徐二李  
隨人所便切不可寫詞曲

十舉曰小篆俗皆喜長然不可太長長無法  
但以方楷一字半為度一字為正體半字為

垂脚豈不美哉脚不過三有無可奈何者當以正脚為主餘畧收短如幡脚可也有下無垂脚如𡵓𡵓𡵓等字却以上枝為出如草木之為物正生則上出枝倒懸則下出枝耳十一舉曰凡寫碑匾字畫宜肥體宜方圓碑額同此但以小篆為正不可用雜體十二舉曰以𡵓篆古文錯雜為用無跡為上但以小篆法寫自然一法此雖易求却甚難記不熟其法未免為百家衣為識者笑此為

音圖

逸法正用廢此可也

十三舉曰凡口圈中字不可填滿但如斗井  
中著一字任其下空可放垂筆方不覺大圈  
比諸字亦須畧收口不可負亦不可方只以  
炭鑿子為度自好若日目等字須更放小若  
印文中匾口并口字及子字却須畧寬使口  
中見空稍多字始渾厚漢印皆如此  
十四舉曰寫篆把筆只須單鉤却伸中指在  
下夾襯方圓平直無有不可意矣人多不得

師傅只如常把筆所以字多欹斜畫亦不能直且字勢不活若初學時當虛手心伸中指并二指於几上空畫如此不拘方可操筆此說最緊要

十五舉曰凡篆大字當虛腕懸筆手腕皆著紙便字不活相多有人不能用筆用椶櫚條及紙筒等物皆俗夫所為士大夫則不宜用此

十六舉曰漢篆多變古法許氏作說文救其

失也

十七舉曰漢有摹印篆其法只是方正篆法與隸相通後人不識古印妄意盤屈且以為法大可笑也多見故家藏漢印字皆方正近隸書此即摹印篆也王球嘯堂集古錄所載古印正與相合凡屈曲盤回唐篆始如此今碑刻有顏魯公官誥尚書省印可攷其說十八舉曰漢晉印章皆用白文大不過寸許朝爵印文皆鑄蓋擇日封拜可緩者也軍中

印文多鑿蓋急於行今不可緩者也古無押字以印章為官職信令故如此自唐用朱文古法漸廢至宋南渡絕無知之者故後宋印文皆大謬

十九舉曰隸書人謂宜匾殊不知妙在不匾挑拔平硬如折刀頭方是漢隸書體括云方勁古拙斬釘截鐵備矣隸法頗深具其大畧二十舉曰白文印皆用漢篆平方正直字不可圓縱有斜筆亦當取巧寫過

二十一舉曰三字印右一邊一字左一邊兩字者以兩字與一字處相等不可兩字中斷又不可十分相接

二十二舉曰四字印若前二字交界略有空後二字無空須當空一畫地別之字有有脚無脚故言及此不然一邊見分一邊不分非法度也

二十三舉曰軒齋等印古無此式唯唐相李泌有端居室三字印白文王印或可照例終



是白文非古法不若只從朱文

二十四舉曰朱文印用雜體篆不可太怪擇其近人情免費詞說可也

二十五舉曰白文印用崔子玉寫張平子碑上字及漢器上并碑蓋印章等字最為第一

二十六舉曰凡姓名表字古有法式不可隨俗用雜篆及朱文

二十七舉曰白文印必逼於邊不可有空空便不古

二十八舉曰朱文印不可逼邊須當以字中空白得中處為相去庶免印出與邊相倚無意思耳字宜細四旁有出筆皆帶邊邊須細於字邊若一體印出時四邊虛紙昂起未免邊肥於字也非見印多不能曉此黏邊朱文乃建業文房之法

二十九舉曰多有人依款識字式作印此大不可蓋漢時印文不曾如此三代時却又無印周禮雖有璽節及職金掌辨其微隱揭而

璽之之說注曰印其實手執之節也正面刻  
字如秦氏璽而不可印印則字皆反矣古人  
以之表信不問字反淳樸如此若戰國時蘓  
秦六國印制度未聞淮南子人間訓曰魯君  
召子貢授以大將軍印劉安寓言而失詞耳  
三十舉曰道號唐人雖有不曾有印故不可  
以道號作印用也三字屋匾唐却有法  
三十一舉曰凡印文中有一二字忽有自然  
空缺不可映帶者聽其自空古印多如此

三十二舉曰凡印僕有古人印式二冊一為官印一為私印具列所以實為甚詳不若嘯堂集古錄所載只具音釋也

三十三舉曰凡名印不可妄寫或姓名相合或加印章等字或兼用印章字曰姓某印章不若只用印字最為正也二名可迴文寫姓下著印字在右二名在左是也單名者曰姓某之印却不可迴文寫若曰姓某私印不可印文墨只宜封書亦不可迴文寫名印內不

可著氏字當詳審之

三十四舉曰表字印只用二字此為正式近人欲并加姓氏於其上曰某氏某某若作姓某父古雖有此稱係他人美已却不可入印人多好古不論其原不為俗亂可也漢人三字印非複姓及無印字者皆非名印蓋字印不當用印字以亂名耳漢張長安字幼君有印曰張幼君唐李溫字化光有印曰李化光右一字左二字此三字表德式也

三十五舉曰諸印文下有空處懸之最佳不可妄意伸開或加屈曲務欲填滿若寫得有道理自然不覺空也字多無空不必問此

明王應電書法指要

得此十法則橫豎曲直方圓奇耦下筆更莫能逃天下字更不出此猶之昔人所稱永字八法但彼止於一丨丨四法可楷而不可篆故更定十法如左

一英日切數之始也又讀若雞單即畫卦之

奇單字也因三聲相混故並借用一亦借用壹伏羲畫卦倉頡制字咸起自一畫見天文四 下 𠔁 𠔁 等字从一在上若天蓋也上生並等字从一在下若地載也市壬帛从一在中若負荷也二三三从一而積 彡 彡 从一而變

一讀若棍教穩切一以貫之也象正直頂天立地形借為擊器名畫見人容十七師云卦畫一奇一耦而陰陽立文字一縱一橫

而變化行中串王从丨在申  
𠂔非𠂔𠂔𠂔从丨對列巨𠂔𠂔  
从丨在旁𠂔𠂔𠂔从丨有  
輔𠂔从丨右戾𠂔𠂔𠂔字从之  
／从丨左戾𠂔乃𠂔𠂔字从之

中讀若徹字見植物一此取其中畫象發達透出形 丨从丨而徹於下也ノ从丨而左右下出也X字从之ノ从丨而左右上出也茂字从之卅从丨而左右旁出也Y从丨岐而上徹也中串等字从之



人从亼岐而下徹也內兩木禾木等字从之 彡从亼而重垂於下也

乙俗作畎坤捲切田間水道即水字中畫也象水流動形凡畫活動變化者皆从之字見地理十 川从乙而重乙乙从乙而稍變左右戾也 𠂇从乙而橫氣之上浮 𠂇从乙變於天 𠂇从乙變於人 𠂇从乙變於動物 𠂇从乙變於植物 𠂇从乙變於用物

●●

𠂇

讀若主

字从

●  
變體

○俗作圓月消切象天體周旋虛通之形舊

誤傳此為盤園字借用之員圓並非字見

④从○中閃爍形品从○小而

連。从○小而單◎从○而重◎从○自  
中繞外◎从○自外繞中 ㄣ从○而得  
其上半令宙𠂔𠂔等字从之別作几从ㄣ  
稍深𠂔𠂔等字从之又作ㄤ从ㄣ稍殺易  
字从之ㄣ从○而長也𠂔𠂔等字从之𠂔  
从○而文理形也𠂔𠂔等字从之 ㄣ  
从○而得其右半也𠂔𠂔等字从之 ㄣ  
从○而得其左半也𠂔𠂔字从之  
□俗用方法羊切象地體廣博平正四維之

形借用方或誤乚並非字見地理二 𠂇  
从口而得其下半地載形也 𠂇 𠂇 𠂇 𠂇 𠂇  
字从之 𠂇 从口而得其左半匪匪等字从  
之 𠂇 从口而得其東北 𠂇 直字从之 𠂇  
从口而得其東南 𠂇 𠂇 等字从之 𠂇 从口  
而得其西南 𠂇 从口而得其西北 𠂇 𠂇  
𠂇 𠂇 从口而上下有所損益也

口 俗用圍月圭切四面正方而利其四隅象  
九圍形字見人道九 〇 𠂇 𠂇 字失其傳

久矣師以袁之中从○為聲也取○以易  
員田之四至□也取□以易方韋之中从  
□為聲也取□以為圍 回从□而重重  
圍繞也𠂔从□諧聲𠂔𠂔𠂔𠂔𠂔𠂔𠂔𠂔𠂔𠂔𠂔  
𠂔从□而得其左半範圍意也區匱等  
字从之𠂔从□而下遺匱字从之𠂔从  
□右半而少變𠂔字从之

△小篆作𠂔義與集同字急切从三合而一  
之師云合三才之道和而同之以贊化育

也字見人道十損其下有覆蓋意凡結字  
在上者多从此人从人而少平為器之盖  
缶等字从之人从人而少斜草屋欲利  
水也為余舍之首介宮室之首斜於缶平  
於舍者也人从人而益銳其上為𡵓𡵓𡵓  
等字人从人而稍圓為弁之首人从人而  
垂有領為衣之首

×義與五同又古切从一丨斜而合之交錯  
參伍以成事之意也以其參天兩地為五

數之五字見人道十一 𠂇垂希希从𠂇  
而生𠂇爽𠂇𠂇从𠂇而重 十从𠂇而安  
定也

明王應電布字原病

凡依形布置方為得體苟稍有增減易置遂  
失其義自明道者觀之殊不入目矣今畧舉  
數法以見凡例須會此法乃無文之文玩之  
而知其為正中之奇拙中之巧也  
字欲充以簡作煩

三作鳳失覆上形

𪛗作米失粒形

↓

作中誤同於木

𪛗作𪛗來作𪛗根從上

生皆大病也

字欲媚以正作邪以直作曲

𪛗作𪛗失端正形

𪛗𪛗𪛗正形也今

作𪛗𪛗𪛗於義何居

字欲長短相齊以方作長

𪛗作𪛗𪛗作𪛗𪛗作𪛗皆以便偏旁觀其

形則全不類矣



字欲闊狹相勻以長作闊

𠂇作𠂇尖作𠂇𠂇作𠂇因欲稱闊字使字  
形失真義不可尋

字欲省以活作死

土作土𠂇作火

字欲短分合為離

𠂇字分而為𠂇𠂇字分而為𠂇遂訛从貝

𠂇字分為𠂇遂訛𠂇為言

相合失體致子母莫辨

𠂔以信為母而從川會意𠂔以仁為母而  
從女會意今反旁折作𠂔𠂔𠂔以月為母  
而諧霸聲𠂔以衣為母而會集意今反上  
下折之作𠂔𠂔𠂔唯欲字之相稱殊失正義  
字畫苟簡旨義不明

危色𠂔身並從人字建首乃與兔象魚𠂔  
等字同作𠂔人物不分羊昔艸通作𠂔  
動植莫辨𠂔失圓之形為圍為方皆不精  
之至也

明朱謀埜論古文奇字

昔揚子雲好奇字而不釋奇字許叔重釋秦文而不釋古文夫字本於文文本形事與意各有攸當非有奇也自我識之硯匣淺斟遂以為奇也傳寫得真斯稱古文一涉訛脫遂成奇字古文得解則奇字自昭奈何兩漢博雅多聞之賢舍古文不一措意顧較義例訓詁於斯邈小篆之間使後世不復知先聖人制作文字之精微乃馬頭為長持十屈中之

說變眩耳目鋟入肝脾欲古文宣明豈不難哉

明豐坊論篆書

大篆變為小篆小篆變為玉筋愈趨愈巧大約石鼓詛楚尚沿三代鐘鼎款識之遺意隨字畫多寡而為形者若泰山碑及漢崔子玉書張平子碑漸覺整齊李陽冰去古又遠徐鉉似陽冰初放脚令長又下陽冰矣

明趙宦光論四體書選一

篆書之名尤為渾亂自周太史籀始立篆名  
秦相效作謂之小篆因秦書通行遂以籀稱  
大篆亦已贅矣何乃無古無今概呼作篆可  
怪也已籀而前但可以時代名如古文夏書  
商書之類籀而後槩呼作篆可也何也籀斯  
為後人趨步指歸莫能出其範圍即不得徧  
討古昔聊識其可摹者如左一曰古文始於  
象形迄於夏商代非一人一非一體但可作  
文字未可合篇章也二曰彫戈文彫蟲篆刻

尚文之作多不可解亦難以下筆漢章或稍  
一見之亦未甚一律也一曰籀篆詛楚文鍾  
鼎識及嘯堂錄以至楊氏書統所載及古篆  
諸韻取其合於許氏所取作籀書者采焉一  
曰大篆石鼓文是也一曰小篆嶧山會稽諸  
碑是也從此流傳變而弱者一曰繆篆唐宋  
元諸人如李陽冰僧夢英以至我明程南雲  
李東陽文氏父子是也變而傳者曰玉筋篆  
如勝國周伯琦之類是也任筆成文一曰飛

白篆貌隸骨襍用古今之法勉作草篆為器  
所使自我作之不得不然也一曰刻符秦漢  
紅文印章用之在前此任字畧章者璽書諸  
文皆是也一曰摹印漢白文印用之後此章  
不攝字者六代而下皆是也以上十種世俗  
通呼作篆失之遠矣

跋

義壑先生字沉研古學詩古文辭久已聲馳藝苑讀書偶暇復留心金石鼎彝之篇向不鄙予荒陋曾命弁其印譜矣壬戌九月余自鄴中至闕里相見慰勞即示所輯篆鏤心得定本予反覆讀之見其考訂精詳指示周縝積二十年精力斯成者義壑亦有心人哉余嘗慨夫淺學之師心自用古道之凌彝淪替篆籀之失真傳其一也先生以神明之



曹薦古志學亦以是編為矯其深得默契  
夫述而不作之

祖緒乎此寔後學之津梁中流之砥柱也急  
宜壽於棗梨慎勿久藏枕秘則海內學者  
幸甚至其集裘之功諸敘咸備余不必贅言  
重陽後四日吳興世晚胡士鉉頓首拜跋於曲  
署槐應堂

跋

予自總角即喜篆刻字不絕大少長涉獵知古人

筆下一曲一折不肯苟且以媚時目雖藝事

皆見精意厲有四方之役年來車塵撲面

萍梗蕭騷遂廢不事而意未嘗不津津喜

之見有作者竊嘆今人之喜新厭故好為

嫵媚奇異以欺世悅人而古學之不讲也歲

辛酉客曲阜幕使君漱六先生出篆鏤

心得以示直窮秦漢精奧間參己意可譜

前人所畧噫先生之用心至此敢古學以  
挽頽俗輕儇胥眎此矣豈僅作小道觀哉  
乾隆六年小春既望歸安浚學袁俊頓首  
謹跋

愚齋先生篤學好古夙嗜篆刻自周秦而下  
字體迭變皆延委討原攷覈精據奏刀亦  
復慎重嘗見其印譜法正體嚴力充氣足  
骨蒼而不枯神潤而不弱朱白文兼擅其勝  
殆非淺學人所可探矚一二也夫石刻之作始  
於明易銅玉而泐之造文何陶顧名於世而法  
體備此蓋文士之逸興出其餘力而成之者也  
自以此計利者角逐皮相昧厥由來其弊未  
易俚指即有珍賞家刻意敦古或執刀而

運之亦饒雅韻然窺見大畧輒復置之此斯藝  
之傳真所謂不絕如縷也先生聰穎絕人善詩  
文少暇輒沒事於鐵筆積歲月於此其為純  
而熟也宜矣而又未嘗自秘所得著為成說剖  
晰箇中三昧無義不抉無微不闡蓋技也而  
進於道矣嗜古者得是編而快讀之証之於  
前所見聞其不嘆酈元之簡而笑李渤之  
陋與辛未夏又五月聖後三日錢唐世晚范崧  
頓首謹跋

山雨敲窗自滿梢